



Brčko Distrikt u Ustavu BiH

Supervizor za Brčko Distrikt dr Raffi Gregorian danas je srdačno pozdravio usvajanje Amandmana 1 na Ustav BiH kojim se u Ustav BiH dodaje Brčko Distrikt. On je također pozdravio polaganje prisege od strane nove Vlade Brčko Distrikta.

"Usvajanjem amandmana i imenovanjem Vlade ispunjeni su važni uvjeti da se ustanovi da institucije Distrikta funkcionišaju 'efikasno i po svemu sudeći trajno'", rekao je Gregorian. "Ovo mi sada omogućava da se usredstvijem na rješavanje raznih administrativnih i pravnih zadataka neophodnih za okončanje supervizije sukladno procesu koji je utvrđen u Konačnoj odluci".

Ustavni amandman o Brčko Distriktu koji je usvojio Parlament BiH predstavlja važan korak u implementaciji obvezujuće arbitraže propisane Aneksom 2 Dejtona za rješavanje spora između entiteta oko područja Brčkog. Konačna odluka Arbitražnog tribunala donijeta je u ožujku 1999. godine.

Amandmanom se Brčko Distrikt dodaje u Ustav BiH, kako je definirano odlukama Tribunala i Distriktu se omogućava efektivno, izravno obraćanje Ustavnom sudu, a istovremeno se osigurava da nijedna strana ne može promijeniti status ili ovlasti Distrikta u odnosu na to kako su definirani arbitražnim odlukama.

Nova Vlada Brčko Distrikta položila je danas prisegu pred Skupštinom Distrikta. Članovi Vlade svečano su se obvezali da će se pridržavati Ustava i zakona Bosne i Hercegovine, odluka Arbitražnog tribunala za Brčko, Statuta i zakona Brčko Distrikta i da će štititi interes Distrikta kao i jednakost i slobode svih građana Brčko Distrika.

"Ova Vlada Distrikta je, premda kasno, krenula dobrim putem", rekao je supervizor danas. "Očekujem od nje da preuzme punu odgovornost za dobrobit svih građana Brčkog".